

山右石刻叢編

山右石刻叢編卷二十四

賜進士出身顯考李君墓誌銘

元

李君墓志

碑高一尺五寸廣一尺七寸二十七行行二十六字至二十七字不等正書今在崞縣

惟君稟育異常施為軼眾忼慨成家不減古人之德懇勸教子首崇先聖之文內事其親者宗族稱其孝外周其急者鄉黨稱其仁由是家風地產庫帛廩粟較之曩日加之數倍不其偉歟娶陽白里韓氏三從四德不踰其矩蓋紫府之名家生男二人長曰居中先娶襄邑衛氏早天生孫男曰鳳郎娶常氏生曾孫男二人宜孫壽孫孫女瓊珠再娶曰王氏生孫男二人顯孫四漢次男曰居禎字伯祥女三人長適古襄薄

氏次適平原馬氏次適本里樊氏自遭兵火之起其間或降
年有永有不永者不可細陳略彙大槩而言之惟次男居禎
常與鄉人而言曰人之富貴壽之修短皆係乎天也豈在人
而強為之鄉人由是異之曰此人語有大志後必榮耀乎自
後果獨纂承其緒夙夜祇懼不遑啓居念前人創業之初庶
克守成於後幸邁

大蒙古國龍興創業垂統拓土開疆出師境外万彥万全百
戰百勝雖千古以來未之有也兼家 太師國王都行省
剗付起立嶧州首彥居禎超授廣威將軍克節度判官行石
副元帥懸帶金牌便宜行事娶本里樊氏自幼結髮為姻一
生深喜佛教歆結善緣生孫男二人長曰安國精於弧矢娶
蘭氏生曾孫男曰高奴女曰奉蓮次孫男曰榮孫女曰俊英

次娶曰張氏生孫男曰安兜自幼削髮為僧曰□念女曰梅
兜抑又次焉者栗氏郝氏皆當世之名家寔從來之首戶獨
此各族皆獲身榮而福享位高而祿厚豈非先君積善所致
邪於是念先君撫我之勞育我之厚兼享年七旬以上以疾
終於家乃卜良辰歸葬於南原先塋之側以韓氏附焉迄今
日月逾邁累欽揚功頌德□乏便風今則特撥煩冗罄平日
所積乃命工礱埴建幢刻石勒文以□事之美用傳於後迺
為銘曰

彼美李公 性賦其聰 交結□□ 孝尽於中 訓子
以義 繼父之風 美全道脩 用足財□ 積善於始
獲福於終 貞石勒文 令譽無窮

維大蒙古國皆壬辰歲律應林鍾蕤生十一葉良時崑州

卽度判官孝男居禎建

木生里鄉貢進士劉旭字德輝跋

古襄迴鳳里石匠邢□□刊

校碑前無標目噶縣志李元帥居禎墓在縣治東七十里
銅都莊村校卽此碑惟詳繹碑文係居禎爲葬其父而立
非卽居禎之墓縣志似誤碑首言惟君稟育異常施爲軼
眾家風地產庫帛廩粟較之曩日加之數倍此卽頌居禎
之父蓋以殖產起家者碑又云生男二長曰居中

孫男鳳卿曾孫

男宜孫壽孫顯孫四漢

次曰居禎邁大蒙古國龍興拓土開疆出師

境外百戰百勝兼蒙太師國王都行省劄付起立噶州元
史穆呼哩傳丁丑八月詔封太師國王都行省承制行事
戊寅自西京由太和嶺入河東攻太原忻代悉降之

金史地理

志代州有崞縣

元史地理志冀甯路崞州本崞縣元太宗十四年

升崞州按太宗十四年爲鼎瑀眞后稱制之元年以此碑考之則丁丑後已立崞州不得至太宗朝方升爲州可補史闕碑又云超授廣威將軍充節度判官行右副元帥懸帶金牌便宜行事按金史元史均不見崞置節度事遺山集朝元觀記國兵以庚辰冬破絳陽及解梁屬邑當是時崞山軍節度閻侯德剛經畫略定境內休息此庚辰前已置崞山節度之證居禎爲節度判官卽德剛之佐元初更改地名極多如臨爲大定府平遙縣爲平安州忻爲九原府及此碑立崞州之類皆可與史相參證碑又云生孫男二人長安國曾孫男高奴次榮安兒末云先君享年七旬以上疾終於家後題惟大蒙古壬辰歲律應林鍾莫生十一葉

崞州節度判官孝男居禎建木生里鄉貢進士劉旭字德輝跋按元至世祖始建國名故憲宗前所立碑版多署大蒙古大朝等號又此碑壬辰立爲元太宗圍汴之年時北方隸蒙古人心已定居禎因得以刻石者鳴已功云此碑陽白里木生里迴鳳里皆可爲攷元代地名者之助碑立於太宗四年

清和真人石刻

石高二尺九寸廣一尺三寸大字一行行四字末跋七行行三十字正書今在平遙縣

清和子

仙字一箇

清和真人嗣掌大教四方簪冠之輩清信之流不遠千里
□受教輻湊

堂下莫不焚香設禮以求請真人親筆仙號手字者僅二十

年間曾不虛日得之者莫不朝夕瞻禮以為保佑辟除之寶
焉燕京大長春宮提點大師□志誠意 真人年老倦於批
寫又慮紙墨歷以□歲易為腐□遂將真人親書仙号手字
刻諸翠~~踐~~□立於長春宮□以遺將來成不朽之計也且吾
邑太平興國觀亦真人住持之地是以提點大師潘德冲亦
□彼而立石焉丁酉歲上元日西源散人李□子書跋

按跋爲李晉題平遙縣志清和子手書三大字在清虛觀
極似長公長春真人西遊記邱長春本王重陽弟子以丁
亥七月九日歸真遺語令門人宋道安提舉教門事尹志
平副之旣而清和大師尹公至自德興宋公謂清和曰吾
老矣不能維持教門君可代吾領之清虛受其託是清和
嗣掌道教之證清和卽尹志平可以得其姓字潘德冲亦

見西游記爲侍行門人號沖和大師

又今清虛觀有清和真人畫像亦住持之

一證也可
以互考

碑末題丁酉歲上元日西源散人李

闕子跋通

志金石記丁酉大德元年跋爲李晉子益然則可補曰李

晉子益跋惟丁酉歲攷爲太宗皇帝卽位之九年非大德

通志誤

王謹成墓志

碑連額高三尺八寸廣一尺六寸三分二十六行行五十字額題故王公墓誌銘六字皆正書今在閩喜縣

王公墓誌銘

東□醫生王□撰

公諱謹成字仲廉□□□邑人世□祖保長□麗□□□□

營□而□□方好仁□施□殷冠邑當世保長稱之諱字□

□也生二子長曰王一次曰□□□□日辛□一□辛爲嗣

□終□□生三子長曰永堅次曰謹成即公也又次曰全全
無子壽終永堅生三子曰溫曰□曰江昆仲□□侍母孝養
晨省等烝冬□□□為人敦厚儉約□□孝悌也有家業子
孫日有蕃益自古迄今繼□戶首公謹成天性愷悌偉貞堂
堂事親孝事兄悌重義輕財濟困扶危□人交而必信鄉人
□贊曰善後統軍卒為首鎮果敢雄威鎬百發克破於楊葉
刀一鼓必合於桑林□策□□運籌決勝屢中□□名達
帝宸勞其□□□加厚賞

御前特賜金牌宣授定遠大將軍解州節度□使所□識□
□可度臨事有□□之□案無留事獄不停囚長思已病恥
□人過後遷於河南韶陽里擇仁而處得里人之義□□亂
授招撫使鎮撫保護

中原自洛以西五郡戶民於韶陽北山忠義之寨舍已從人數萬餘口皆得其安名達

帝庭乃遣中□特降宣命授華州節度使公於壬辰年前九月二十五日戰於新門而盡終大丈夫事君之禮畢矣天數固不可逃享年五十一□娶呂氏呂氏在家也勤事女工貞順和□移天也精練婦儀卑讓恭儉從德備矣生二子曰珪曰璋璋不□而逝珪禮良儒推作事可法有學問之必進無益之事不觀□善射有司優□君之忠節旌加後裔特賜繼治招撫使仍□治下人皆美之後至

大朝弘定對授征行元帥孟津縣令懸帶銀牌自干戈以來天下焉然□有不覆□嗣者非先□積功累行焉得子孫□盛繩繩如也易曰積善之家必有余慶此之明効也君雖

不幸且在世頭子孫詵詵福祿未艾也一日□□珪詣門泣
涕而□曰小子不肖禍及先人先人遺言志□里□紫金之
山才映洞□□仙董氏之怕清冷蓼藏孤鶩既承遺語豈敢
有違謹命良師□其宅兆而安措之於甲午年八月初六日
壬申遷神會葬于此遂我先君之□歟西接舊墳南連故莊
背紫金之山面□氏之□顧未有銘□中先人行事先生知
之詳矣丐一銘詞以賁泉下庶我先君芳聲之不朽矣子聽
其言而喟然長歎而應之曰□誠今

先君近一載矣觀其行事內外恬淡溫良儉讓有禮自律身
□□宜有以□豈□有辭乎遂誌而銘之曰

□哉王氏 卓爾不群 □□有信 行必篤純 克忠

克孝 惟□惟仁 臨民侃侃 奉上□□ 良辰安□

山不才妻劉氏二十四
六
□□先□ 竟兮安此 克綏永春

大朝戊戌歲五月二十三日征行元帥孟津縣令王珪立
石同立石元帥夫人楊氏

特授□□太師□□□觀□□□□□韓□□書

管勾人修真觀□□志祥

管勾人修真□士許

刊字匠人解子美

校碑題撰人闕碑言公諱謹成字仲廉天性愷悌重義輕
財然諾必信爲首領果敢雄威運籌決勝因之名達帝宸
授定遠大將軍領解州節度副使所至以能稱後遷河南
韶陽里因家焉遭亂授招撫使鎮撫保護中原自洛以西
五郡民於韶陽北山忠義寨因又授華州節度使於壬辰

年前九月戰歿有子二珪璋珪承公勲賜繼治招撫使後
歸元授征行元帥孟津縣令懸帶銀牌攷聞喜縣志悉與
碑合惟不紀其戰歿事以續通鑑校之壬辰爲金哀宗天
興元年是時元正經營北方故有新門之戰而所謂新門
者疑距中京不遠當元帥任守眞敗死中京人推警巡使
齊克紳爲府簽事藉以防守蒙古兵圍之齊克紳斂兵苦
戰得以退敵證以碑文似所謂戰歿者當卽在此時攷是
年有閏九月故碑稱前九月一統志金初曰河南府置德
昌軍興定元年升爲中京金昌府屬南京路碑又言子珪
承公遺志由孟津而還葬公於紫金之山董氏之泊云云
攷紫金山縣志在縣東七十里盤盤山東接曲沃界董泊
在縣東四十里卽舜時董父豢龍之所一名豢龍江上爲

董父廟

又按縣志謂裴晉公湖園趙貫翁董澤書院胥在於此亦可以爲攷古者之一助

是二所

均在閭喜而子珪於是時官於孟津家於河南其卜葬而

必還其里者固公夙昔所命亦珪之仰體先志有以克承

也縣志美珪爲敦尚儒雅作事可法其卽以是歟公葬於

甲午年八月碑立於大朝戊戌年五月按是時元代尚無

紀年故以大朝稱之甲午者太宗六年戊戌者又其十年

碑末題特授

關

太師

關

觀

關

韓

關

書碑有解州節度副使

華州節度使金史地理志解州貞祐三年升爲節鎮名寶

昌軍華州貞祐三年升爲節鎮軍曰興安謹成於金季劾

節故得爲解州節副華州節度書碑人關按元初閭喜諸

碑如三靈侯廟長春觀碑皆韓志謹書

洞霞觀有景雲宮觀大師韓志謹

此碑有大師字亦當爲志謹書

重修宣聖廟疏

石高九寸廣三尺三寸十七行行字不等草書末結銜一行十字正書今在鄒安府學

重修宣聖廟疏

竊曰

聖人贊天地之庥雖名烈所奕□講春秋之祀持□辟雍況
皇朝自創始以來以文教為守成之具翕然四海天□已開
獨此一邦儒風未振向也門牆之數僅今而禾黍之一墟不
能興學以化之是豈承流之□耳盍恢前績永贊

皇圖

庚子年秋八月疏

宣差總管安撫使粘合

押

碑末題庚子年秋八月疏宣差總管安撫使粘合按庚子

元太宗十二年元史黏合重山傳欽定本作鈕祜祿珠順金源貴族

國初為質子知金將亡遂委質於太祖立中書省以重山

有積勳授左丞相太宗七年從伐宋詔軍前行中書省卒

贈太尉封魏國公諡忠武十年詔其子江淮安撫使南合

嗣行軍前中書省事時大將察罕圖壽春七日始下欲屠

其城南合曰不降者獨守將且其民何罪由是獲免中統

元年兩遷宣撫使不言庚子為何官此碑安撫黏合疑即

其人疏有向也門牆之數仍今而禾黍之一墟云云是以

廟久圯而修通志金石記以為平陽太原總管按平陽為

李氏世官太原為郝氏世官見元史及諸書無黏合也

張安甯墓表

碑高二尺八寸廣二尺二寸二十行
行二十七字正書今在定襄縣邢村

州將張侯墓表

張侯既葬四年墓有碑矣凡侯之有勞於吾州與父兄之所
以不忘者皆述之矣賓客故人念侯平生十□□以為未盡
也故又表而文之而元好問實為之辭曰始予自汴梁客大
名聞之鄉之人知侯之名固欲亟見之歲丁酉秋八月北來
乃以州民見侯侯不以予老且謬若遂將受學者意甚懇貌
甚恭挽予之歸為甚力予承間為侯言予不忘還歸猶痿者
之於起而盲者之於眎也他日幸脫繫維以從吾侯游寔夙
昔之願雖然予歸之与否於侯何損益而眷二如是侯曰君
歸而尋教我一言之利吾州之人不受君賜矣乎予謝不敢
當問之州之士人皆曰侯於吾屬悉然不獨厚於予而然也
於是益賢之維侯起田畝間跨弓刀以角逐於分崩離析之

際出入行陳攻堅擊彊莫有敢敵者其於文墨特略能記姓名而已治吾州十五年州當朔南之衝營帳驛傳項背相望勲貴之下奔走從事事有便民者必死守而力圖之初不以威尊命賤而為計也志嗜如此欲侯之略勢位折行輩自屈於一介寒士之後不階於矯揉不由於姑敝高賢退而遜讓剛嚴化而和柔蓋亦難矣若夫單貧者業之散亡者合之疾病者扶之醫嫁者成之喪葬者舉之大望而不靳人溺而不厭懇切至到終始如一雖大夫士之篤於好賢者不如是之備也嘻人情其不美重為風俗所移父不能教其子兄無以制其弟鄉里督郵輩一奉州檄忽自忘其愚不肖屈陶靖節庭趨者皆是也然則吾屬之報於侯者宜何如哉宜何如哉

壬寅四月吉日書

按通志金石記九原府元帥張安甯墓表蒙古壬寅元好
問撰卽此碑張侯以旣葬四年墓已有碑故不書名字文
云張侯治吾州十五年九原爲總管府自當在元太宗初
而文但稱爲州將自稱爲州民臨文便辭也碑近在定襄
而遺山集不收道光中定襄有某太守重刊元集竟未補
入尤可怪定襄縣志張安甯南邢村人元初開國授九原
府定遠大將軍總管大元帥据王磐郝和尚碑忻州戊子
歲升九原府元史郝哈尙巴圖傳戊子爲九原府主帥則
忻州實以皇子圖類監國之年升府碑又云侯起田畝跨
弓刀以角逐於崩析之際於文特略記姓名而已治吾州
十五年當朔南之衝營帳驛傳項背相望動貴之下奔走
從事事有便民者必死守而力圖之按元史載元初事極

簡如絳陽斬和解州儀氏堅州王兆劉會河津史遷平定
聶珪榮河吳信聞喜王珪定襄周獻臣姚榮樊天勝張安
甯崢州閻德剛李居禎平遙梁瑛趙城徐玉臨縣之袁湘
皆賴碑志之存尙可見其大概洵足補元史之闕廣晉乘
之載有功往籍良非淺鮮後有仿三國志注元史者必於
是乎取之壬寅者元太宗瑪竇錦六皇后稱制之元年碑
云丁酉秋八月北來乃以州民見侯與遺山集太原昭禪
師語錄引歲丁酉八月予自大名還太原合李光廷廣元
遺山年譜蒙古太宗九年丁酉四十八歲是年仍在冠氏
夏往東平秋回忻州營居畢文集有外家別業上梁文當作於是年冬復回
冠氏蓋遺山將回大名張侯挽留不得已而訂歸期亦足
見張侯之愛才矣壬寅立碑侯歿已四年則侯歿於戊戌

距遺山歸一歲遺山辛丑復回忻州壬寅撰碑時正家居也縣志元張安甯墓在南邢村碑見通志金石記

后土廟重修記

碑連額高四尺二寸廣二尺二寸二十六行行四十五字至四十八字不等正書額題六字篆書今在鄉南縣城內后土廟重修記

鄉貢進士吉州教授張安石撰

乾庵鄙夫王丕欽篆額

里人退請李楫書丹

太極判而兩儀分兩儀分而三才備清而上者謂之天濁而下者謂之地易曰天尊地卑乾坤定矣中含大道亨毒品彙命于兩間稟氣而生者人也乾剛配天故稱乎父坤柔象地故稱乎母天地於人既同於父母人於天地豈有獨父而不

母者哉故歷代聖帝明王每以四仲之月至于方嶽燔柴告祭所以事天也以天子之職事其天則事父也及季春土旺之日躬詣河汾之陰掃地而祭所以事地也事其地則事母也天地明察神明彰矣

皇天后土國家尚嚴祭祀况郡縣人民者乎

鄉寧后土廟者創自金國大定二十五年移建于茲矣修崇正殿傍列諸神露砌三門無不畢備可謂一方祈賽歸依之地歲時祭享日不乏人已邠城陷是廟也焚滅殆盡止存正殿及有崇寧真君之祠以彰靈應厥後凶年人皆逃散以致廟貌疎壞不待風雨瓦解鴛鴦梁摧蟋蟀砌草帶露而朝泣庭木號風而夜悲日月亡邁孰陳香火闔邑無人僅十餘載至大朝癸巳年權州趙仲劉琛等募民還集復立城池經畫

田舍漸成倫理有本縣令張漸暨紫川吳善志憫此荒涼樂
攄丹懇重為修庑及蓋五嶽龍神之位噫人知父母生長之
恩而不知天地之恩甚於父母之生長也以母氏之劬勞不
過為一己之德况地之博厚含弘光大無所不載無所不生
寔應地無疆之德也且五嶽大者以其為天下之鎮四瀆廣
者以其貫九州之遠嶽瀆之神尚泰王者之祀為萬民所歸
仰我

后土之聖尊為萬物之母經絡江河子孫山嶽皆以長養之
仁無出載持之外功德之大豈勝言哉張宰吳公憫其繪像
重修廟宇有以答

靈祇之德會襄陵李用和來簿是邑刻石傳二人之美姑以
斐辭紀其歲月云耳

皆大蒙古歲次壬寅季秋望日鄉寧縣主簿李用和立石

檜昌石匠龍崑老人陳敏刊

一復立城 官員 權州趙仲 主簿劉琮 司吏 李

楫 史敬 柴慶 白圭 祇候人 曹信 任寬 王

存 百戶湖海 張全 趙堅 杜榮 百姓高珪等七

十余戶

一醜蓋殿 都維那吳善志 副維那 丁二 晉昇

鄭貴 趙玘 吳祥 段松 王美 郭玠 聶珪 劉

祖德 施釘線人白琇 施紗子人東郭仲演

一助緣人 張符 張益 賈祐 馮延 知事費敏修

薛彬 吳屠 王美 鄭玉 李德 李玠 馮祿

席全 王福 吳裕 袁進 曹秀 張信 王秀 姜

美 王佑 李廸 郭梢 謝二 王客 譚與 郭林

王之才 薛三 劉屠 張進 李翔 張秀 劉宝

曹太 陝祿 晉榮 王進 鄭偲 劉進 康鄉

儒人王丕欽 盧鑄 李居敬 醫工王珪 張偉 □

官太平縣郭仝 吉州司候司張椿 韶州南伸 登豐

龐清 許州張琚 隰州賀崇 賀秀 潘子玉 杜秀

郭翥 劉千 王通 尉展 何千 薛二 田鑑

馮祐 楊太

巡檢姚敢

捕盜官張宝

縣令張漸

副達魯花赤齊愛伯

宣差達魯花赤孟昌時

按碑題鄉貢進士吉州教授張安石撰乾庵鄺夫王丕欽
篆額里人退謂李楫書丹鄉甯縣志后土廟在治東關金
大定年建與碑云金大定二十五年移建合碑又云己卯
城陷元史史天祥傳己卯權兵馬都元帥蒙古漢軍黑軍
並聽節制下河東平陽河中岢嵐絳隰石吉廓等八十餘
城金史地理志吉州領縣有鄉甯以碑證史此鄉甯以興
定三年陷之證又云大朝癸巳年權州趙仲劉琮等募民
還集復立城池經畫田舍有本縣令張漸暨紫川吳善志
憫此荒涼重爲修蓋五嶽龍神之位云云按癸巳係元兵
克汴之年据碑所云則鄉甯之城復修於癸巳今縣志宋
皇祐中以舊縣患河水知縣劉舒卽鄂侯故墟移建今治

明正德壬申知縣趙元築東西二城門而不及元癸巳復修城事得此可補其闕碑末題大蒙古歲次壬寅季秋望日鄉甯縣主簿李用和立石又刻復立城官員權州趙仲主簿劉琛巡檢姚敢捕盜官張寶副達魯花赤齊愛伯宣差達魯花赤孟昌時皆可爲考元代掌故者之助碑見通志金石記

梁秉鈞碑

碑連額高七尺七寸廣二尺九寸二十七行行六十五字正書額題訂事梁公之碑六字篆書今在平遙縣評事梁公之碑

中書省選充汾州教授張藻撰

平遙縣教授邢仲元書

鄉貢進士趙黻篆

公諱秉鈞字仲平古陶麓臺人也自幼治書天性寬厚其行純粹善與人交鄉曲之間甚有德譽因疾終於家享年六十生子七人長曰瑜次曰玟三曰瑛四曰珪五曰玠六曰瓊七曰琮長瑜其性行亦純厚其自魁然二十四載為本邑令寬而有容未嘗見鞭箠及於人故閭郡吏民無不懷愛壬寅六月十二日因疾卒於官時年五十有八次子玟早喪於鄉里三子瑛其性正直純儉孝於父母友於兄弟信於朋友又多勇略其操履迥出於庸流方在壯年會世離亂恥於淹屈慨然有遠大志戊寅之冬會

大朝太師國王總百万之師開拓疆土自北而來至於并汾之間偶然得公 國王見而悅之遽然信用相從征伐所至處無不畏威而下至春班師復歸故地及巳卯之秋又

按察那延總軍向公南向征伐由過牛鳳栖二嶺遂下平陽
霍州晉安沁潞等數十餘城又攻太行使其山不得固其險
群師馳入又下懷孟等十餘城至辛巳歲入美良境又會天
風暴寒冰合黃流而群師平渡遂得神前口處要地因入陝
右又破楨州至己丑年公不遠万里之地躬詣

闕下朝見

上嘉其意親授金牌

宣命令充明安之職掌握兵權及與太傅總領也可那延
宣差萬戶扈從

車駕西入長安鳳翔等路其州郡傳檄而定并宋境同慶白
環西和沔州泰安興元等處雖有金城湯池弗能固守亦皆
委而去之矣及乙未歲領軍又取階和成鳳及襄陽等處州

縣靡有或遺丙申之冬又破大安軍由劔閣入西蜀威震四遠不勞血刃而定次丁酉歲開達梁山忠万等州遠際瞿塘夔府巫山之界所征無敵所向無前如入無人之境得其地乃提士卒凱歌而還至戊戌年西蜀復立其城暨都元帥重整三軍談笑而定直抵鵬門黎雅木波國界至辛丑歲宋人復守瞿塘之江兵不能進公乃於是計之以皮航因得而濟之遂破其兵衆散亂投水而去因得其地是以都元帥知公有深謀遠筭又善於用兵故授以万户之職見留鎮守於興元外摧姦寇晏然無事迨乎辛丑之春成都漢州敗軍之將強伸疲力復立其城公與先鋒突薛那延復入其境如虎羆之蕩犬羊莫之能禦於是生擒四川制置陳公及其下官屬莫非其有也噫公自少從征二十餘年披堅執

銳以身許國而不敢告勞近世以來未之有也四子珪五子
珣從 按察那延征伐而終六子瓊從 大遼郡王征
山東得益都等路數十餘城迴因疾卒於家七子琮繼故長
兄為本邑令瑜生棟從 國王四方征伐棟一子驍兜瑛
有子三長曰翼權父職征伐次曰羽見習儒業三曰長安瓊
子一乞僧琮子三長曰張奴次曰万僧三曰千千信哉積善
之家必有餘慶是以子孫衆多也濟濟鏘鏘陽昂昂枝葉
連芳如芝蘭玉樹生於庭階耳鄉人曰有是慶門可無美乎
壬寅七月十有八日諸梁數子求文於僕僕以不才固辭者
屢矣辭不得已乃為之記其銘曰

猗歟梁公 其貞堂堂 周旋中礼 不失其常 賦性

純純 固守公方 世積其德 德音孔彰 天道福善

久而益昌 誥誥子孫 襲慶之長 洋洋佳聲 膾炙人口 曰茲慶門 時亦罕有 克忠克孝 宜享天佑 立身行道 以顯父母 繼繼繩繩 揚名於後 今銘諸石 尚傳不朽

維大朝歲次壬寅九月庚戌庚辰朔初六日乙酉

孫男梁棟 次孫梁翼 梁羽

太原路平遙縣長官男梁琮立石

陰陽官馮時泰 古陶王岳劉德源



按碑題中書省選充汾州教授張藻撰平遙縣教授邢仲元書鄉貢進士趙誠篆
元史選舉志凡師儒之命於朝廷者曰教授路府上中州置之縣設教諭又志云中統二年始命置諸路學校自以此碑考之則壬寅前已有州縣學校官平遙係縣不曰教諭而曰教授皆與元中碑云公諱秉鈞字仲平云云秉鈞見平遙縣統後制不合

志及元魏初征行都元帥梁公碑

魏初碑云父諱秉鈞好施與鄉人以長者稱之

與此碑甚有德譽合碑

又云生七子瑜玖瑛珪珍瓊琮長瑜其性行

亦純厚二十四歲爲本邑令壬寅六月十二日疾卒官時

年五十有八校元太平崇聖宮諭旨碑有曰本縣長官梁

瑜萬戶梁瑛此瑜令平遙之證

元中統後壽州縣官皆名曰尹瑜令平遙在宋定制

前故或曰令或曰長官

壬寅元太宗后馬六眞稱制之一年以瑜卒

年五十八考之則令平遙當三十五年當在元太祖之三

年金承安八年時元未入中國瑜所受者必金官否則碑

有誤文碑云攻早喪其下卽敘瑛之事蹟略與魏初碑同

其曰按察那延者元史托音色辰子按陳從太祖征伐凡

三十二戰平西夏斷潼關道取回紇塔什干城皆有功歲

丁亥賜號國舅按陳那延其曰美良境卽聞喜之美良川

見新舊唐書通鑑明曰美良鄉見聞喜縣志按聞喜不濱
河既得聞喜再南入夏縣平陸芮城境皆濱大河既渡則
入陝州腹地矣其曰棹州者金史地理志同州縣六韓城
貞祐三年升爲棹州碑云辛巳入陝右又破棹州爲金興
定五年在升棹州後與史合其曰己丑年與太傅總領也
可那延宣差萬戶扈從車駕西入長安鳳翔云云元史耶
律托輝傳契丹人世居桓州太祖時率眾來歸同飲班珠
爾河水拜太傅總領伊克諾延統萬戶扎拉劉黑馬史天
澤伐金卒於西河州劉黑馬傳己丑太宗卽位始立三萬戶以
黑馬爲首重喜史天澤次之僉太傅府事總管漢軍從征
回回河西諸國及破鳳翔西河汧州諸城堡史云太傅府
者卽耶律托輝府亦與碑入鳳翔合

考證詳見魏初梁萬戶碑

又按元

凡三入成都而後得其地瑛皆始終與其事其曰丙申之

冬破大安軍入西蜀者續綱目端平三年九月曹友聞與

蒙古戰於陽平關敗績死之蒙古庫騰遂入成都是也續通

鑑宋史同其曰戊戌年西蜀復立其城暨都元帥重整三軍談

笑而定者續綱目嘉熙二年八月蒙古軍復破成都而去

分注蒙古塔海將兵入蜀制置使丁黻聞之先遣妻子南

歸誓死至是塔爾海自新井入詐豎宋將旗以旗招之既

審知其非領兵夜出城南迎戰至石筍街兵散力盡而死

亦見宋史此碑之都元帥即續綱目之塔爾海魏初碑之

元帥是也其曰辛丑之春成都漢州敗軍之將復立其城

公與先鋒突辭那延復入其境於是生擒四川制置陳公

者魏初碑擒其續綱目淳祐元年十一月成都將田世顯

叛以城降蒙古制置使陳隆之死之分注塔爾海在世顯

屋之守彌旬誓與城存亡部將田世顯潛送款於蒙古乘

夜開門北兵突入隆之舉家數百口皆死隆之至漢

州命諭守臣王變隆之大呼曰大丈夫死耳勿降也遂見殺漢州兵三千出戰城破盡爲蒙古所殺宋元史略同

是也元史汪世顯郝和尚傳皆記入蜀事而未及此碑之

詳元文類姚燧興元行省夾石公碑辛亥四川制置使余

玠輕我師寡率兵入寇都元帥禿辭來援此碑所謂突辭

那延者卽其人碑立壬寅故敘瑛事止此碑又云四子珪

五子珍從按察那延征伐而終六子瓊從大遼郡王征山

東得益都等路數十餘城疾卒於家校大遼卽郡王岱遜

圖益都見元史太祖紀穆呼哩傳碑又云七子琮繼故長

兄爲本邑令瑜生棟從國王四方征伐棟一子瑛有子三

長曰翼權父職征伐魏初碑子翼次曰羽魏初碑羽太原

三曰長安梁天翔爲瑛四子故碑不及瓊子一乞僧琮子三長曰張奴

次曰萬僧三曰千千碑爲評事墓碑而述諸子之文詳於

評事十倍述梁瑛之文又於諸子爲詳不謂之慕瑛權勢而作可乎碑立壬寅九月

達磨像石刻

石高一尺八寸廣一尺六寸題字八行行字不等正書今在永濟縣

達磨之像

一衲通身來遊華夏聖諦廓然知音者寡袖手渡江意無取捨九年少室露真機從此高風遍天下

棲巖老人可楫讚

癸卯年三月 日棲巖禪寺維那僧福江 侍者智通立石

洛陽吳頤刊

按永濟縣志棲巖寺達磨石刻像云是吳胄曹所畫卽此

刻末刻棲巖老人可楫讀文是此讀可楫所撰校可楫卽
元陳賡棲巖寺碑所謂楫公者題年爲癸卯年三月日棲
巖禪寺維那云云又疏有解包暫住於棲巖語此楫公是
月前已在棲巖之證

河東請欽公疏

石高一尺一寸廣一尺五寸十九
行行十六字正書今在永濟縣

河東縣疏

敦請

欽公禪師住持十方

棲巖禪寺為

國焚修祝延

聖壽者

切以沒蹤跡處須要藏身有意氣時不妨垂手伏惟

欽公長老少林枝葉洞水源流密運靈機親傳心印法戰則
煙塵並掃令行則佛祖難存乘木馬以凌空闢泥牛而入海
眠雲臥月已聞炙地薰天戴角披毛正好拖犁拽擺下酬衆
望上報

皇恩願拈一炷之香仰祝

萬年之壽謹疏

乙巳年三月 日

河東縣主簿石璧

河東縣承趙安仁

河東縣令李伯興

按碑首行刻請欽公禪師住持樓巖爲國焚修云云欽公

禪師卽瑞峰禪師見陳廣棲巖寺碑云中書大丞相與府牧竭誠勸請欽公禪師校今碑本乙巳年請欽公住持棲巖者共有四疏一爲宣差都總管夾谷義等疏一爲宣差船橋都總管謝堅等疏一爲河中府知府陳寶等疏一爲此疏一僧住持一寺而奉疏者必備文武官吏可爲元初崇釋氏之證末題乙巳年三月日河東縣主簿石璧河東縣丞趙安仁河東縣令李伯興此諸人皆以是年任之證亦足備元代文獻也縣丞刻作承字誤

河中請欽公疏

石高一尺三寸廣二尺二寸二十二行行十三字正書今在永濟縣

河中府疏

敦請

欽公禪師住持十方

棲巖禪寺為

國焚修祝延

聖壽無疆者

竊以祖父田園豈宜荒廢自家手段宜在顯揚幸遇日緣勿
令蹉過伏惟

欽公禪師懶牧正嗣清安遠孫鮑諳少室之宗風鼓蕩曹溪
之波浪密移一步普應群機振已墜之玄綱判未了之公案
白雲堆裏請拈

佛祖之真機碧岫峯頭仰祝

皇王之聖壽謹疏

乙巳年三月 日

河中府判官高吉

河中府同知謝天吉

河中府知府陳寶

監寺僧至和立石

古桐蘇明刊

按疏爲河中府請欽公禪師住持棲巖而撰碑末題乙巳年三月日河中府判官高吉河中府同知謝天吉河中府知府陳寶此諸人皆以是年任之證陳賡棲巖寺碑中書大丞相與府牧竭誠勸請瑞峰欽公禪師者卽謂黏合疏與此疏大丞相者指疏題左丞相黏合郡牧者卽指此疏陳寶也元麻革行元帥府事謝公碑公諱天吉字鍾祥大元始起朔方留公鎮防爲帥兼領蒲政慈以撫民忠於報

國坐鎮邊陲敵不敢犯朝廷命爲昭勇大將軍鎮邊大元帥特賜金符執政蒲郡公卒年五十有九實庚戌七月十日長子陟武略將軍保德州知州麻革碑止言行河中府事以此碑證之則天吉實河中同知天吉卒庚戌此碑立乙巳故得有天吉名疏內白雲堆碧岫峰皆可爲考元代晉地者之助

謝堅請欽公疏

石高一尺二寸廣二尺十九行行十字正書今在永濟縣

宣差船橋都總管疏

敦請

欽公大禪師住持

十方棲巖禪寺爲

國焚修祝延

聖壽者

竊曰石女呈機何人證據木童舞袖作者

方知伏惟

欽公大禪師通身手眼出格鉅鈍巖前舊店之重開意外新
奇之迥出因緣既遇快便難逢舉揚西祖之風用祝

南山之壽謹疏

乙巳年三月 日

河中府鎮撫軍民都彈壓智全

省差河東南路舡橋都水監使趙儀

宣差河東南北路船橋都總管謝堅

按欽公見前此碑末題乙巳年三月日河中府鎮撫軍民
都彈壓智全省差河東南路船橋都水監使趙儀宣差河

東南北路船橋都總管謝堅校至元十一年陳賡棲巖寺
碑有宣差平陽路征行兵馬都元帥同知府事兼河中府
達魯花赤船橋兵馬都總管謝堅此碑止題船橋總管而
無都元帥等銜此爲立碑後又加授官之證元史張萬嘉
努傳父扎呼岱從破金有功授河東南北路船橋隨路兵
馬都總管萬戶舒穆魯安扎傳中統三年授河中府船橋
水手軍總管以立浮橋功也此元初行軍重船橋之證可
與此碑謝堅題銜相參考省差者行省所命以別於宣差
也

扎古得請欽公疏

石高一尺二寸廣二尺三寸二十
三行行十三字正書今在永濟縣

宣差都總管疏

敦請

欽公大禪師住持十方

棲巖禪寺為

國焚修祝延

聖壽者

竊以如來說一藏教皆是筌蹄達磨開五葉花稍通消息若非明眼孰辨正宗伏惟

欽公大禪師坐斷十方壁立千仞與奪總歸杖拂鍛煉自有鉗鎚脫功勲而空劫非家垂方便而通身是手法以無說而說心以非傳而傳已知千木隨身正好逢場作戲中條山下驚散千劫野狐禪飛練巖前並聞一聲獅子吼更休回互便請承當拈一瓣之名香祝

萬年之聖壽謹疏

乙巳年四月 日

宣差總管夾谷義

宣差萬戶奧屯大哥

宣差河中府船橋隨路軍馬都總管扎古得

按疏爲敦請欽公大禪師住持十方棲巖禪寺而作欽公大禪師又稱爲瑞峯欽公禪師瑞峯老人均互見建棲巖寺並重修佛殿碑陳賡撰棲巖寺碑云寺先請懶牧楫公禪師住持不二載歸逝故又請瑞峯欽公禪師碑僅言致請之故而未及致請之年以此疏參攷知請於元初乙巳年即順瑪錦后稱制之四年下逮寺成確係二十餘年故陳賡碑有二十餘稔滿目一新之語前後互稽適相吻合疏後列名有

宣差總管夾谷義宣差萬戶奧屯大哥宣差河中府船橋
隨路軍馬都總管扎古夾谷校國語卽瓜爾佳氏奧屯卽
鄂屯氏碑題義官總管大哥官萬戶均可以補史扎古璩
元史張萬嘉努傳父扎呼岱事睿宗於潛邸從破金有功
賜虎符授河東南北路船橋隨路兵馬都總管萬戶從西
征下興元圍嘉定歿於軍扎古或卽扎呼岱其河東南北
路船橋隨路兵馬都總管與河中府船橋隨路軍馬都總
管相似按金以太原爲河東北路平陽爲河東南路元因
之合兩路而言故謂之南北路陳廣棲巖寺碑河
中府達魯花赤謝堅亦
具此銜故疑卽其人疏作於元鼎瑪錦后稱制四年乙
巳之四月疑爲寺成摹勒上石

長春觀記

碑高一尺六寸廣一尺八寸二十七
行行二十九字正書今在聞喜縣

初修長春觀記

古桐進士薛邦榮撰

寓南吳修真觀昌黎裔志謹書丹

竊以道為万物之祖德為百行之先道者虛無之系造化之
根神明之本天地之源德者天地所稟陰陽所資經以五行
緯以四時然則通而生之謂之道道固無名焉畜而成之謂
之德德固無稱焉常試論之曰天地人物靈仙鬼神無不從
道德而著焉非道無以生非德無以成生者不知其始成者
不見其終探奧索隱□□其□入有之末出無之先莫究其
朕謂之自然自然者道德之常天地之始也茲者或一日田
□□閑遊於涑水之濱河曲之上見一道士狀自非常神彩
秀異志誠稽首請問其故道士答曰余乃鐵腳張先生也二

入□道終日目擊之間如有所得果然覺甘露洒心醍醐灌頂端的有如斯之事也奇哉張公先生者真方外煙霞之侶也遂以師礼事之糾率邑人等乃卜其地立其觀焉名曰長春塢工治材修其堂殿彩繪塑像儼然一新夫張公先生□於人也以德不以□以誠不以力故邑人等欣然感為之助也富者助其財貧者助其力雖市道邑人販鬻之餘競以畚鍤自來赴役者不知其數故其垣墉臺構不日而成之蓋張公先生之德也其斯之謂歟上被

大朝

皇帝睿圖永固宸筭增隆日月無私煥天明於萬國松椿共茂班寶鑑於千秋然後十方三界六道四生一切有情俱登道岸

皆歲次丙午年五月戊午朔二十四日辛巳□上三五都
功□□弟子奉行北極驅邪院事道士田志誠立石

謹具觀地四至□項 東至官街 西至衛大夫 南至
城墻 北至巷道

同住持人李先

本縣次三官石捕盜官李

本縣次官衡

本縣長官賈二

本縣達魯花赤看木虎

都會首平陽路兵馬都總管李

賓山縣匠人蘇明刊

按聞喜縣志補元長春觀記年月失考在南巷卽此碑

首題古桐進士許邦榮撰昌黎裔志謹書又縣志有長春
觀按元初不設科舉邦榮題進士疑亦應太宗九年諸路
試者碑末題歲次丙午年田志誠立石又有本縣次三官
石捕盜官李本縣次官衡本縣長官賈二本縣達魯花赤
看兀虎此可見元未設州縣尹時之制通志金石記沁州
長官杜豐堅州長
官劉會末曰都會首平陽路兵馬都總管李以元史考之
皆是也李守賢傳歲戊子朝於和林加金紫光祿大夫知平陽府
事兼本路兵馬都總管甲午冬十月卒子毅嗣辛丑朝行
在授河東行軍萬戶總管中統三年改河東路總管疑卽
其人丙午者定宗元年元初以功鎮地方者皆父死子繼
東平之嚴真定之史可證邦榮見聞喜志元進士又姚燧
鹽使徐君碑李瓊將爲亂白益都傳檄求臣叛王而平陽

總管李穀不思移文太原爲忻之監州阿八赤所發兩總管皆誅論見元史據此則元初平陽總管爲李氏世官可知穀穀蓋兄弟也本縣長官賈二次官衡後與眞觀記署衙前故管民長官賈德全見職管民長官衡安卽此二人

朝元觀記

碑高五尺廣三尺二十三行
行四十一字正書今在崞縣

朝元觀記

長平進士孫天錫篆額

歲丁未春二月梁鍊師辨疑踵門爲予言初

國兵以己卯冬攻破絳陽及解梁屬邑思問自庚辰僑寓雲朔問當是時

崞山軍節度閻侯德剛經畫略定境內休息頗口方外士周

旋所居衛鄩里白水出焉侯愛其景氣古澹有終焉之志因以清溪自號幅巾便服香火晨夕有薦思問於侯若謂有所取焉者侯即走書幣以賓禮見招握手而語驩如平生為之闢旁□西園規作廬舍以為談經講道之所顧謂所親他日道院成與吾松檟相直遠不能一里所沒而有知得神遊於此致足樂也然未幾□下世纔畢垣墉而已今帥歸自

朔庭悼先志未究而尚冥福之可徵也庀徒嚴事土木偕作蓋經始於庚寅之七月而斷手於明年之六月像設有位襍繪有壇講授有堂賓御有次下迨門廡庫厩煥然一新叅佐部曲諸人請為侯立祠以致甘棠之思衆議思問先住安邑之朝元乃以此觀仍朝元之舊示不忘本也文石既具幸吾子以先友辛溪南敬之劉鄧州光甫之故而為之記予諾之

曰侯之事故樂為道之矣子聞黃老家黜聰明去健羨前賢
以為大槩與易道何思何慮者合自年少氣銳者觀之往往
以墮窳不振為嫌及更事既多閱得喪休戚益熟乃稍以淡
泊之言為有味迴視世好若芻豢之悅其口者或歆而唾之
矣况乎執兵凶器行戰危道奮迅於風塵之隙而角逐於功
名之會伏尸流血僅乃得之大方之家方以拱壁駟馬不知
坐進此道彼功定天下之半聲馳四海之表且不口渠一笑
其下者當置之何地哉故雖文成君之豪桀一旦自視缺然
願棄人間口絕粒輕舉以從赤松子游非自苦也維侯知物
之不可太盛知名之不可以處知權之不可不畏而退之不
可不勇故慨然自拔於流俗思欲高舉遠引也如此其所乏
者拙信俛仰呼吸煉化以適神而養壽耳雖然尚方飛舄之

鳧葛陂投杖之龍世徒以神仙為疑而物化亦自有不可窮者矣異時羽衣翩跹過朝元之上俯華表而留語望五雲而翻翔者汝庸安知其不為清溪翁耶今帥名鎮字國安始以父任作州既而領兵千人隸征西幕府累以戰多為大將軍所知凡萬夫長出師則留攝軍務於太原禹都孫仲陽道風孤峻時人有_(玄)門臨濟之目與吾辛劉交甚款辨疑其高弟云望日遺山真隱記

大元中統總鎮太原崞州都元帥加封□□□□□□□□□□

道士梁思問立石

門人知觀事王修仁書

宣差明安懸帶

御前金牌權太原路萬戶閻鎮□□

岐山道人蘇志明刊

按碑題長平進士孫天錫篆額碑言丁未春二月梁鍊師
辨疑踵門言國兵以己卯冬攻破絳陽及解梁屬邑按遺
山年譜丁未蒙古定宗二年有應梁鍊師請作朝元觀記
文末署望日遺山真隱元某記今搨本無元某字或年譜
添入又續通鑑金興定三年秋

碑云己卯即興定三年

蒙古穆呼哩

取金苛嵐吉陽等州進攻絳州拔其城屠之碑所謂破絳
陽者即指此事又十月戊午蒙古兵破晉安府金行元帥
府事鈕祜祿貞死之金史地理志天會六年置絳陽軍節
度使興定二年升爲晉安府攷二書絳州晉安俱即絳陽
也朝元觀崞縣志在縣南七十里元大德中崞山軍節度
閻德剛居衛邨里白水出焉剛愛其勝招安邑道士梁思

問爲方外遊關西園以居之建道院未成而歿剛子鎮留
攝太原軍務繼先志而營建焉元好問嘗紀其事以刻諸
石此碑卽是惟大德時好問已歿安得作記蓋以碑丁未
之歲而誤爲大德丁未其實定宗二年也志蓋失攷碑並
及閻侯孫名仲陽者道風孤峻時人有元門臨濟之目則
又志所略焉合而證之可得閻侯家世碑有庚辰僑寓雲
朔間語又有經始庚寅七月斷手明年六月語按年表庚
辰興定四年蓋思問初居安邑因解梁被兵故從而去之
庚寅者則正大六年明年爲辛卯歲是時金尚未亡而北
方多已殘破噶居僻邑不過少爲完葺而已碑云與吾辛
劉交甚款按遺山集答聽上人書僕自貞祐甲戌南渡河
時犬馬之齒二十有五遂登楊趙之所與交如辛敬之雷

希顏王仲澤李欽叔麻知幾諸人其材量文雅皆天下之
選中州集引歲壬辰子掾東曹馮內翰子駿延登劉鄧州
光甫祖謙約予爲此集又遺山集張仲經詩集序時劉內
翰光甫方解鄧州俸日得相從文字間及遺山自題中州
集後有愛殺溪南辛老子之句歷攷遺山箸述辛敬之劉
光甫固嘗與游碑文謂爲先友與諸集合又中州集有劉
鄧州祖謙字光甫安邑人承安五年進士歷州縣有政迹
辛溪南愿字敬之號溪南詩老福昌人皆可參證又遺山
集題名記秋與梁辨疑李輔之武伯佐游嶠山祠是辨疑
識遺山之證後題道士梁思問立石門人知觀事王修仁
書宣差明安懸帶御前金牌權太原路萬戶閩鎮闕通志
金石記觀爲庚寅歲嶠山軍節度使閩德剛所建文首云

歲丁未二月梁鍊師辨疑過新興踵門爲余言末署望日
遺山真隱元某記時遺山方里居也金末文人多以四字
爲別號見於中州集者指不甚屈蓋一時風氣使然遺山
亦所不免然僅用之寺觀刻石又書之文末不似他人竟
同於結銜也石年月應卽以作文之歲碑見通志金石記
重修太清觀記

碑連額高四尺九寸廣二尺二十一行行
四十四字額題六字均正書今在陽城縣

重修太清觀記

狀元李俊民用章撰

鄉貢進士楊鼎書

按圖經縣境內廟有四寺有八觀獨一焉頃者北臺孫仲遠
以提點南都上清宮告歸許以本處大嶽廟爲觀餘無聞焉

今之觀厥初元辰殿也大定五年乙亥敕賜太清觀爲額住持師李法遵所致也其地負城而高乾之維也距縣宇三百七十步而近其方面屬周二百五十步而蹙自西關王成叔施崖上地後稍綽裕闢之爲三清殿沁水靈虛觀道士馬悟(玄)勸緣冶坊民程卞督役斤斧未休而師及悟(玄)相繼即真主觀李洞雲慮墜先業率其徒善言善能善淵聚力成之時十一年辛卯也茲朝真之位也巍然面其南十三年癸巳並立東西殿再閨而畢茲禮方之所也肅然翼其傍庚子接空界起四聖閣高百尺威鎮(玄)門尊所瞻也癸卯鼓大冶鑄九乳鍾重萬斤發揚洪音警所聽也師之所舉豈徒然哉丁未管內舉威儀師赴州十年乃還續加崇修峻醮壇藏法堂潔齋厨列雲房一切區處悉如心畫事半功倍人皆多之貞祐

兵火幸免其災似有鬼神守護惟其閣風雨所搖勢傾東南
飛簷摧墮危柱就側宰縣延陵珍募工正之無遺恨矣閣之
前舊地褊隘出入路窘枉步而東延陵珍同前縣令郭福嫌
其委曲於正南創開衙道前通口街奈居民王漢所買廢宅
遺址梗其間漢慨然將地基所有奉施以成其美以廣其域
不背馳矣自是其基大其事新擾攘之際幾壞而反成幸中
之幸也卒其功者羽衣揚善應敬之也洞雲敬之授業之師
也法尊敬之授業師之師也歷三世而觀乃完一日敬之以
折簡抵余欲紀實以光其師祖請直書營建始末以文之石
意則誠矣而望膾炙人口為古今美談與前人比不亦過乎
如敬之學之精識之明道之高自謂鐵中錚錚者復何過謙
況叙事者當以實奚取乎文余不敢違所請特書其始末而

止文俟其能者然始末之迹所紀簡牘亂離間為他人有賴
郭羽天翼購所失以還質而書之龍集己酉二月甲午前進
士李俊民用章記

三洞講經大師賜紫楊善應

都維那長官延陵琮

宣差張暗木忽

次官劉□

維那提領官段天琪

丹場官□鼎

商酒務官張光著

維那捕盜官賀宣

知觀道士李道明立石

石匠張福刊

按陽城縣志太清觀舊有閣高四十丈道士李洞雲所作
李俊民爲記道會司居之卽此碑按碑題狀元李俊民用
章撰鄉貢進士楊鼎書元史俊民字用章承安五年及第
供奉翰林文字旋棄官不仕府志俊民承安五年狀元撰
莊靖集十卷無此文今按碑末題龍集己酉實元定宗后
聽政之二年俊民入元未仕故碑末祇題前進士云宰縣
延陵珍陽城縣志元縣尹延陵珍本縣人楊鼎金正大中
進士又碑云前縣令郭福今縣志闕宜据碑補碑末題銜
有商酒務官張光著寬元張賢輔重修道紀堂記系本縣
商酒務監使張翊之父碑云貞祐兵火幸免其災者元史
太祖紀八年癸酉秋命皇子卓沁察罕台諤格德依爲右

軍循太行而南取保遂安肅邢洺磁相衛輝懷孟掠澤潞
遼沁平陽太原吉陽拔汾石嵐忻代武等州而還元太祖
八年即金貞祐元年太祖十三年戊寅秋穆呼哩克澤州
即金興定二年此碑專指貞祐謂癸酉之兵非戊寅又李
俊民嘗爲金彰國節度判官見泰和六年松嶺法輪院碑

天真觀記

碑高四尺二寸廣二尺二寸二十二
行行五十一字正書今在稷山縣

天真觀記

朝宣課所本縣巡鹽官后□□□□□□□換

唐高祖神堯皇帝第十三子鄭王之裔□太平縣□峯老

人李國用書丹并篆額

道者無稱之稱繩繩不可名寂然無體視之不見聽之不聞

不可以形□不可以象為無不通也無不由也况之曰道道
之大在陰為無陰陰以之生在陽為無陽陽以之成萬物生
成之力皆出乎道也□□百姓日用而不知知其道者則薛
公其人也薛公廼甘泉清化里人也法名志清道号了真子
生悟天真長達時變從志學□後□道之深常無欲以觀其
妙未嘗觀其激者也師道趙真人西遊秦川南居華下一十
餘載快林泉之興愜雲山之□□園酒醒花看玉井之蓮華
胥夢□桂賞仙峯之月不期未厭四起天兵則廻首故國甘
泉之邑甘泉之邑地勝河東□□□□□□□□□□□□
□□臨姑射之□□□□億季平水公既見止公既觀止知
其山可以棲遲知其水可以樂飢於是□□□□□□□□
□□台□□□□□□以此造西南之隅築□□之室戶牖

俱違止能容膝一日公歎之曰室陋能容膝牀寒足□□□

□□□□□四□衷嘆□□□□鍾恣擊撞短檠相對半

殘缸酒醒何處鳴寒雁夢破誰家吠夜尤明月友來香酒甕

清風□□□□□□□馬咸從命無□□□□降自時

厥後朋來盍簪時有邑人呂道元踵門而謂公曰豈不聞魯

語不云乎君子之德風小□□□□草上之風必偃□□□

□四方之人皆喜□□□□興□□可以化衆衆心從則可以

立功子付公心風興夜寐無念爾□□□□□存構堂殿

之心未之□願然如此不若初開壇事庶幾他日有告成功

公曰子之言介于石矣子心從來有之於是建□□□□□

咸臻

馬丹陽領袖羣仙舞鸞□教童靈官襟裾列位

□□化人日新勝事聞見者莫不□焉

馬丹陽舞鸞

之□金鐘振不擊之聲

尹清和假館之時朱鶴拂來

儀之羽比以□□境之人雲集草屨慳囊打破倒傾興北殿
之皆悟鎖匙開掇出構南堂之□日將月就聖像真□□
飾者有之□壇靈官願建立者有之三門亦是龜頭抑然經
始厥觀經之營之門衆攻之不日成之一日 清和真

人法□□□曰天真天真之觀自此而初始名之也天真之
觀自此而初始建之也嗚呼天真之觀若非薛公道元之運
籌機子門人之假□□未必興之也如此若天之未喪斯道
也則如我薛公數季則必方鳩僦功□云爾公又罄積季囊
篋之貲買百畝桑麻之□以瞻□觀貽之後人噫四海之內
必有簪冠及薛公者焉無及薛公之不忘本者耶銘之曰

寄矣薛公 善繼家風 君子好逖 真人發蒙 恍惚

宿悟 □□□□ 含德□□ 用道之冲 窮理體化

原始反終 銳挫紛解 光和塵同 天真觀初 門

人日攻 永□□□ □□□□ □□置備 囊篋傾

空 以貽厥後 傳之無窮

昔歲次庚戌重陽日 太上三五都功職錄弟子奉行□

□□□□□□□□□□ 法官薛志清立石

古桐逸士蘇明刊

按碑題朝宣課所巡鹽官后 闕 撰唐高祖神堯皇帝第十

三子鄭王之裔 闕 太平縣 闕 峯老人李國用書丹並篆額

按鄭王即鄭惠王元懿時稱小鄭王後亦曰惠鄭王後以

別鄭王亮見新唐書傳唐宗室宰相如勉宗閔夷簡皆元

懿後於諸王胄最華顯故國用題名揭之可鄙也碑爲道

士辭志清而立碑有尹清和假館之時文校長春真人西游記有清和大師尹志平卽其人詳見平遙縣志以西游記真人適有遺語令門人宋道安提舉教門事尹志平副之考之則志平亦元初主道教者碑立庚戌重陽日實元定宗后稱制之三年元史太宗紀二年十一月始置十路徵收稅課使楊簡高廷英使平陽可與碑題宣課所相參

葡萄蘭宣諭

石高一尺二寸二分廣一尺八寸
二十七行行字不等今在安邑縣

蒙哥皇帝聖旨裏

宣諭倚付漢兒田地裏應為底先生每底那延真人懸帶

御前金牌欽奉

蒙哥皇帝御寶聖旨揀數勾當等事除欽依外據解州安邑

縣長春觀甯志榮馬志全先於壬寅年獻到葡萄園七十畝
充

御用菓木為此以曾行下本觀看守去訖今來須合再下仰
本觀李志玉等將前項葡萄園子務要在意看守精勤起架
勿令分毫怠墮荒廢唯恐有悞

御用菓木利害非輕如至熟日須官盡數製造乾圓秤盤數
目前去平陽府計口道錄院起發前來長春官送納准脩
口獻仍仰隨處達魯花赤管民官員人等照依欽奉

皇帝御寶聖旨內節扶先生口大小莫發地稅商稅鋪馬都
休与者他每有應遮麼甚麼休強爭奪要者那公頭與

聖旨來如有違犯之人具姓名申來以依故違

聖旨治罪施行不得違滯須至割付者

右下李志玉等准此

壬子年四月二十七日

押

起架葡萄道象 邵志安 陶志隱

靳志夷 趙志冲 劉志鑄 張志明

賈志簡 柴志和 陶德明 李德秀

安邑縣長春觀住持前解州道正賜紫金口明真大師介
志微立石

同立石人李志玉

按碑題蒙哥皇帝諭旨元史憲宗本紀憲宗皇帝諱孟克

注原作蒙哥 睿宗圖類之長子也元年辛亥夏六月諸王大將

等會於奎騰敖拉之地

注原作闊帖兀阿蘭

推帝即皇帝位是蒙哥

憲宗之諱据史可證碑云長春觀先於壬寅年獻到葡萄

園七十畝充御用菓木曾下本觀看守訖今合再下務要
在意看守精勤起架勿令怠墮荒廢有誤御用菓木元史
世祖紀中統二年六月乙卯敕平陽路安邑縣蒲萄酒自
今毋貢以此碑證之則安邑蒲萄固元初備御用者遺山
集蒲桃酒賦序劉鄧州光甫爲予言吾安邑多蒲桃而不
知人有釀酒法少日嘗與故人許仲祥摘其實并米炊之
釀雖成而古人所謂甘而不飴冷而不寒者固已失之貞
祐中鄰里一民家避寇自山中歸見竹器所貯蒲桃在空
盎上者枝蒂已乾而汁流盎中薰然有酒氣飲之良酒也
此安邑蒲桃金末著名之證可與此碑相參又成宗紀元
貞二年三月罷平陽路釀進蒲萄酒其蒲萄園民恃爲業
者還之安邑屬平陽路解州亦其證大清一統志土產蒲

荀安邑縣出可見至今猶盛也

太平崇聖宮宣諭

石高二尺七寸廣一尺八寸分上下兩截上二十三行
行二十五字下二十行行十七字正書今在平遙縣

碑

□□宣諭倚付漢地先生頭兒那延李真人懸帶

□□金牌掌管 教門事照得欽奉到

蒙哥皇帝御寶聖旨節文漢兒田地裏應有底先生每都教
李真人識者除欽依外今據太原府路平遙縣太平崇聖宮
提點李志端狀告伏為本宮自唐朝以來有元住道士薛守
玄重修興建額曰太平觀後至宋朝元祐年間改為清虛觀
今自

大朝興國以來為本宮兵革之後殿宇房屋全無損壞因此

有本縣長官梁瑜并萬戶梁瑛等經詣本府乞改名額為太平興國觀各有已立碑記近蒙

掌教大宗師真人師父再更為太平崇聖宮名口心端依奉已於壬子年七月十五日安置牌額懸挂了當在手別無文面乞給賜憑驗事得此文狀為此取覆過奉

掌教大宗師真人師父法旨前來已曾親書太平崇聖宮名額付下去來今既已建立名牌懸挂外今准見告事因合給與公據付本宮主者已火照用施行仍仰提點李志端勸率道衆依時念經告

天祝延

聖壽萬安者以報

國恩無得分毫懈怠須議出給者

右給付太平崇聖宮主者准此

癸丑年月 日 押

蒙哥皇帝旨裏

宣諭倚付□免田地裏應有底先生每底官人□真□人懸帶

御前金牌欽奉

蒙哥皇帝御寶聖旨□數勾當等事除欽依外據太原府平遙縣太平崇聖宮提領燕志靜狀告□□今年六月內蒙掌教宗師法旨該

清和大宗師法旨自燕京今道衆前來重修太平崇聖宮并張趙下院玉清觀住持勾當道司將本官并下院一切差使已行除免外若不呈告誠恐已後別無執憑乞詳酌出給文

字事得此文狀除別行外已將本宮并下院差使行下道司除免去訖仍仰本宮道衆照依前項

清和大宗師法旨在意興修住持勾當所有執照須至出給者

右給付平遙縣太平崇聖宮收執照用准此

壬子年七月初五日

押

按碑前刻癸丑年改太平興國觀爲太平崇聖宮諭文公據後刻壬子年太平興國宮興修住持執照前碑云本宮唐曰太平觀宋曰清虛觀皆見宋元祐謝懔清虛觀記平遙縣志同其曰兵革之後全無損壞有本縣長官梁瑜萬戶梁瑛等經詣本府乞改名額爲太平興國觀元壬寅張藻訴事梁公墓碑子七人長曰瑜二十四歲爲本邑令寬

而有容吏民無不隱懷壬寅六月十二日卒於官延祐魏

初萬戶梁公墓碑丁未年詔公充西京平陽太原京兆延

安五路萬戶治太原丙辰三月十九卒

張藻碑三子瑛辛丑授萬戶之職

碑立壬子癸丑正瑛為萬戶時與碑文合

瑛官高於瑜而列後者以弟兄

也序那延李真人者即李志常見元史本紀碑所云清和大

宗師者即西游記之尹志平嗣處機掌教者又見長春宮

碑其曰法旨者可證元初崇奉道教之盛壬子憲宗二年

癸丑三年

亞嶽廟靈應記

碑高三尺五寸廣二尺三寸三十一行行

五十二字正書今在潞安府崔府君廟

潞州亞嶽廟靈應記

寓覃懷竹軒申鼎撰

汝陽進士弋穀英書丹

上黨郭國材篆額

夫混沌之氣判而後有天地天地之形分而後有陰陽陰陽肇而生萬物故人稟天地陰陽之氣生而為萬物靈其聰明正直沒而為神者有之神之為神載在祀典者尤可敬而信也然杳杳冥冥人莫測其所在莫知其所居惟觀廟貌之嚴則有以吉凶求之者有以災病禱之者果能感動以誠則吉凶災病之兆致有垂象而預報驗於行事昭然可見故人之尊崇祀饗之禮豈可不盡其敬哉孔子聖人也有敬鬼神之語子疾病于路尚有禱之之請李僕射處隋季世遑遑無所之而禱於西嶽以決去就神命歸唐終能垂功名於竹帛告疾禱神之明驗耳鼎始被

朝命充

行中書省掾從戎南伐承乏員外郎前後幾十五載迨丁未春掠揚州師旋將有

闕廷之行時屬首夏先以淮甸二麥垂成

元戎令諸軍蹂踐之鼎雖在簿書中亦不免躬服其勞而濕暑方殷偶得先便後血之證論者皆以血痢及腸風下血等證療之諸藥卒無取効者季夏有六日屆天黨館於楊榮宅專以療疾為急務幾三旬終未勿藥時有從行赴

闕醫者河內馮晏鼎語之曰公既從行豈可默然不處一方療之乎馮主以酒煮大黃湯兩次泄凡十餘行勢雖稍緩未除根本先有已成之藥二十餘種然不知何者可得收斂効鼎自思之今日之疾或愈或否寔係進退既有關係則神必

能知其所以然也一日特密誠心敬禱於

祠下曰咎疾若止則行期可決如或不已則議行實難

神本聰明正直之故而能為

神神既有靈則人之進退諒必洞究于中也如鼎咎疾

神豈不知若有進之分則乞 賜名方若有退之之理

則卒無良驗遂以二十藥方各書于卷置之盤中用物覆之

祝曰清手三揆連丸

此方得之於高平馮澤民

廼服之盡劑疾果愈遂成

其行戊申初春達

闕下誤沐

宸恩優恤特

賜金符

授以

宣命改充左右司同議官仍遷郎中

賜白金三百斤以酬從戎之勞及子希甫謬以所述之詩聞

於朝廷士大夫亦荷

皇嗣見知擬以為掾

賜白金有數非

神能知進用之機加護持之力焉能至於世乎廼知人神無
不協之情幽顯有相通之理故至誠感神享于克誠之言信
不誣矣嗚呼人之事神者當以誠敬為先以黍稷為末如或
不然雖殺牛而祀又豈益於禮哉今謹創軒檻一座不揆文
諸石以紀其實庶幾發揚

神休之萬一聊申報本之意抑使世人知酒煮大黃湯及枳
殼宣連丸可為止便血之良法云

癸丑年四月初四日立石

助工人權州李筠

經歷高旺

管醮官李德用

司廟人申福

石匠河內申琮刊

按碑題寓覃懷竹軒申鼎撰汝陽進士弋穀英書丹上黨郭國材篆額鼎卽碑中所云充行中書省掾承乏員外郎者遺山集臨海弋公阡表系出臨海占籍汝州之梁縣子穀英未冠爲鄉府所薦再赴簾試至元四年穀英撰重修汾東王廟碑題銜爲宣授太原路提舉學校官

元史選舉志中統二年

年始置諸路學校官

碑立癸丑寶元憲宗三年穀英時未仕元故仍

題進士碑云從戎南伐幾十五載迨丁未春略揚州按元太宗七年乙未使闊端等伐宋至丁未凡十三年故曰幾十五載元史本紀定宗元年丙午冬萬戶史權等耀兵淮南進圍黃州二年丁未春張柔攻泗州碑所稱元戎蹂踐

淮甸者或卽其人碑末題癸丑年四月初四日立石有權
州李筠經歷高旺此皆元初官於潞者通志金石記亞嶽
廟卽崔府君也

東華觀記

碑連額高三尺四寸廣一尺六寸二十三行
行五十字正書額題四字篆書今在聞喜縣

大朝平陽路解州聞喜縣美良川河底村東華觀記

伏閭

老君曰大道汎兮其可左右又云視之不見名曰夷聽之不
聞名曰希搏之不得名曰微此三者不可致詰故顏子曰仰
之彌高鑽之彌堅瞻之在前忽焉在後圭峯曰處生死流騶
珠獨耀於滄海踞涅槃岸桂輪孤朗於碧天大矣哉蓋道之
眞常乃無爲也原夫道者能生五太所謂太易者未見其氣

太初者氣之始也太始者形之始也太素者質之始也氣形質具而未相剗故曰渾淪謂之一也乃一氣也太極剖判布流法界生育天地人三才日月循環陰陽升降四時代謝萬物生化皆道之應用乃無不為也於是

大聖人將設教化分為三宗乃道釋儒是也我全真之道者
□自於

東華帝君傳度於 鍾呂海蟾三祖續焰流傳姓有蟬蛻飛昇者焉能具載至于 重陽七真聯芳而起廣繼前蹤 大宗師清和尹真人 洞真于真人 披雲宋真人接武而昇見世有 大尊師真常李真人掌握教樞闡化群迷絕嗜慾而扣玄門忘人我而歸□道茲者河底村東華觀起初全真道者園李先生法諱志雲号玄通子元係美良川姚村人民

祖世豪農之家自幼隨父遷於嵩州福昌縣居止其李公天資性慧骨異神清悟世空華捨俗歸道遂礼 丹陽馬真

人為師公自出家□地下功授師祕訣密指玄牝之竅甘守天倪頓悟真空之道至壬辰年因值兵革平達絳州等處居園堵而晦迹韜光隱形骸而遜世無悶因此呼為園李先生數載出園於己亥年屈于河底村有劉會首王通事吳會首小楊田四等將本村舊有

三清殿一所地二十畝施於李公先生為庵住持其李公闢化門徒五十餘衆唯道者劉志山知觀賈志純申志和郭志希彭志昌閻志正劉志呈輩同心奉侍竭力興緣添蓋左右雲法二堂涼樓廚舍雜居之宇一切所須無有關用置牛耕種贍濟大眾又於北陽村剏建仙墳一所一日 披雲真人

道過有劉賈二公告賜觀額曰東華觀每與

皇帝 太子 諸王諸子焚香誦經祝延萬壽李公先生於

戊申年八月九日坐示門人云吾當歸矣遂索紙筆書辭世
頌曰七十年來顛蹶般般打破休歇如今認得本原撒手便
歸仙闕擲筆而昇壽年七十有五浮葬於地門弟劉志山守
墳三載欲遷新墳發墓開槨屍骸無壞可表李公了道之勛
也此觀東連天壇聖境山東一帶西接終求仙跡闕西五路
上下往來雲朋霞友無不頓於斯者接待宿食異嘗鮮闕皆
出於李公先生誘化門人劉賈公輩不憚懃勞內功外行上
善之德也誠為佳績實可偶哉矣余因且過有賈公輩再四
設札求文刊石余自揆不才墜辭不已遂采古典以裒成誄
耳

昔癸丑中秋晦日飄蓬勾者無名子謹誌

孟志明書丹

巖峯蘇明男潤刊

按聞喜縣志東華觀在城南河底村縣志補有河底道觀
圖李先生碑年月失考按卽此碑蓋東華觀名卽以碑言
全真之道自東華帝君而名又言河底村東華觀圖李先生
生法諱志雲號元通子美良川姚村人幼隨父遷於嵩州
福昌縣捨俗歸道與縣志補金石門河底村道觀圖李先生
生碑合故知卽此碑其曰壬辰年因值兵革平達絳州等
處者卽金史本紀天興元年正月丙戌元兵平河中府由
河清縣渡河三月丁亥平中京兵及嵩洛故避至絳也其
曰己亥年屆河底村者卽元太宗十一年時兵革已平故

得就三清殿住持建觀也碑云先生於戊申年示寂按戊申卽元定宗崩之年碑云時癸丑中秋按癸丑元憲宗之三年元白憲宗前無年號故書事者皆以干支紀年補志言此碑年月失考蓋見碑不署年號而未計及元初本無年號碑皆彼教中語而園李先生暨劉志山諸人皆概以志字排名姚燧長春宮碑邱處機門人張志僊諸人亦然元初道者之名皆如此其皆邱處機之徒歟聞喜縣志南鄉河底村距城二十五里美良川在縣南二十里今爲美陽鄉姚村應卽縣南三十里之南姚村非縣西之姚村

重修玉蓮洞碑

碑連額高四尺六寸廣二尺二十一行行四十四字正書額題重建□興玉蓮之洞銘九字篆書今在鄉甯縣

重修□□□□銘

山石不家藏卷二十一
洞主全真吳全海重修

伊川進士李存玉撰

新田李玉書丹篆額 刊

天地至大者也不出乎形器之中日月至明者也止燭於範圍之內維道之虛通也超乎無名有乎無外卓爾獨運蔚然曲成伊人之受生也備乎三才者首出之類然最靈通乎神變與之貌天賦之形也然通悟上士勤而行之夕則與道同體千變萬化竟超陵乎象外之妙矣若狙故庸材笑而侮之漸則繕性於俗群分類聚適域囿乎區中之習矣斯之背覺向緣與夫修真造極所由殊途兩者懸隔何啻霄壤間乎悲夫所以讚歎得道之妙者歷世希有焉近有我正統二祖啓迪仙範於前

重陽二師紹隆真風于後暨乎

長春國師應

明詔歷方輒環夷夏教被中外神栖

燕鎮法嗣宗支廣矣大矣綽負枝嗣高第子孫老先生開闢
化習全真正教尚梗澁於人倫耳目自北而南實由平陽孫
老先生始道其源也次後三晉士民方得根熟惜忽已遺杖
舄于天壇玉陽山門衆分散各處一方繼有法胤弟子修真
子練師者呂志忠冀城祥山郡白馬村人也從師歷年鹿衣
糲食絕慮忘情苦志有古人之醇德抱真仙之素質今復得
緣于鄉(寧)隣郡門徒益親善道流行由是卜聖指居於和龕
停心右志淨坐不於十日間虎嘯龍吟而作侶豈乃奇絕美
事正是淨之又淨以此敬之又敬或日藉新者廻顧傳焉滿
邑衆父老曰以古聖之迹今者又顯何以不衆中供敬衆會

首守之俸之師哲之曰其時真教大開郡人向化仍展亂址
基更造規制恢張殿宇廡淨室蕤蕤然耽耽然不啻數間繪
塑諸尊形金碧燦以丹青炳煥若來者加敬往者生善以為
國祈恩與民求福前後經營僅一十餘年偉績垂成其於建
立福田也光揚道化所用之力不憲淺矣斯庵之境也前映
風穴之洞順時清信颺颺述之者揚土抆沙昏迷天像降之
□硤背靠玉□金蓮之山翠嶺泉東付太降相□馬頭崖侵
亂青龍之峻嶺西望古迹舜王掌有五七處巔巔幾幾喚一週
迴朱實成林綠雲蔽野泉園蔬圃菽有屬實養道之鄉易度
生之域○俗古有堯舜之遺豐土甘氣和習禹稷之躬稼其
美可尋其居可樂是以古人之醕矣豈不為優梓快樂哉且
山藏美玉而木皆閭岸隱明珠而草不枯今者先生告倅僕

應之曰予如坐井之人管規之氣不免亂綴荒侮之劇匪然而成之或有才者乞加斤斧裁剪取一晒乎固碎遂撫實而述云

昔大蒙古國歲次戊午孟夏有八日呂先生 甯志元

趙道進 張道成 張道志 李先生 庵主王道平立

石

按碑題伊川進士李存玉撰李玉書丹篆額鄉甯縣志縣東南雲邱山百里有玉蓮洞其實崖也山頂卽三天門懸崖遠出數十丈石髓滴成倒垂蓮葉稍下數丈又有如前狀較大再下一小廟至最下則石皆玲瓏如繩索相環結者上有磨崖碑漫漶不可識下元碑尚存按卽此碑碑有云近有我正純二祖啟迪仙範於前重陽大師紹隆真

風於後元史邱處機傳師重陽王真人金石萃編金密國
公壻終南山神仙重陽子王真人全真教祖碑先生名詰
字知明其教名之曰全真屏去妄幻獨全其真弱冠修進
士業天眷間應武舉易名德威字世雄文武之進兩無成
慨然入道改今名正隆己亥夏於甘河鎮醉中禮二仙明
年再遇於醴泉後別號重陽子大定丁亥七月至山東甯
海州築全真菴十年庚寅正月四日終世宗皇帝二十八
年二月遣使訪其門人應命者邱與王也命邱主萬春醮
事塑純陽重陽丹陽三師像於官菴正位又云邱名處機
號長春子與元史處機師重陽合碑云長春國師應明詔
轍環夷夏教被中外事備見長春真人西游記及元史傳
碑云神棲燕鎮者西游記甲申春燕京行省金紫石抹公

宣差便宜劉公以下諸公遣使持疏懇請師住天長觀丁亥五月傳旨改天長觀爲長春宮七月七日歸真此所謂神棲燕鎮也其云平陽孫老先生者當卽西游記之虛寂大師孫志堅碑爲孫氏門人呂志忠於鄉甯得緣重建廟而立其云志忠白馬村人者翼城縣志明八十里有白馬里所云金蓮山翠巖泉馬頭崖青龍嶺皆可爲考元代鄉甯地名之助碑立蒙古戊午卽憲宗八年

興真觀記

碑連額高四尺三寸廣一尺九寸十七行行四十二字正書額題四字篆書今在聞喜縣

興真觀碑銘

并序

寓堯都長春觀三洞講經法師秦志安述

絳臺神霄末羽杜天倪書丹篆額

梨園太平樂府李唐之教坊也紫金奇峰嵐光黛色琉璃照
映蜿蜒乎其左邊媧皇靈祠山節藻梲翡翠□聳鼎巖乎其
右偏英王避暑臺矗矗乎其後裴相讀書堂峩峩乎其前朝
移代革髣髴七百年矣苔飛□棟無沒頽垣化為民居其
居民之賢者聚席而謀曰此一規地古帝王練習歌舞之離
宮也至于風清月朗之際或有聞金石絲竹之音者焉小民
居之恐飛吉兆可求訪逸客幽人以為頤真養浩之所不亦
宜乎一唱百和靡不忻然於是焚香躬禮西山高隱史公上
人三禱不已杖屨乃來遊翫數夕境向心會遂卜終焉之計
門下弟子聞風趨往殆數十輩具畚挿運土石規淨廬營福
地不數載之間聖位窈窈然方壺沉沉然香庖爽然雲堂遂
然竹徑呼風松軒貯月藥竈封霧丹爐鎖塗雖武陵桃園天

台小隱固可以接武而差肩也清和仙翁愛其幽致親筆觀
額號曰興真名與實符因隨果滿千劫宿緣亦非人力之所
能為也落成之日邑豪里傑乞予文之辭不獲命搜竭枯腸
終無黃絹之才反愧青鸞之客其詞曰

山蒼蒼 水粼粼 中有琳宇 號曰興真 誰其尸之
史公上人 外養玄化 內頤谷神 玉鼎含月 冰

壺駐春 漏泄天機 窓前綠筠

昔歲次己未八月 日賜金襴紫服悟元大師管志明立
石

前管民長官師德

見職管民長官衡安

都功德主前故管民長官賈德全

古樹逸士蘓明男潤刊

校聞喜縣志梨園在縣東五十里唐太平樂府教坊見興
真宮碑記僧志安撰卽此碑校碑所言諸地如紫金奇峯
卽紫金山在縣東七十里媧皇靈祠卽女媧廟在城東梨
園村皆見今縣志所謂英王者唐中宗之封名碑言梨園
故地有聞金石絲竹之音僉不敢居史公上人卜終焉之
計營之不數載成名曰興真校史公上人見重修興真宮
記曰玉陽門下史公上人碑末題歲次己未校卽元憲宗
九年又碑有前管民長官師德見職管民長官衡安前故
管民長官賈德全此皆元初未定官制前而長聞喜民事
之吏劉會碑子澤襲職充堅州管民長官可證丙午長春
觀碑末題銜有本縣次官衡長官賈可與此碑衡安賈德

全相參證刊碑蘇明男潤與前東華觀記同天真觀記則
蘇明所刊是亦能世其業者